



169

CONCELLO DE REDONDELA

## CONVENIO DO CONCELLO DE REDONDELA COA ASOCIACIÓN ESPAÑOLA CONTRA O CANCRO.

En Redondela, a 4 de decembro de 2014.

### REUNIDOS

Dunha parte o Alcalde do Iltmo. Concello de Redondela, Don Javier Bas Corugeira, na representación que ostenta en virtude dos artigos 21.1 b) da Lei 7/85, de 2 de abril, Reguladora das Bases de Réxime Local.

Doutra, Don Francisca Canal Gómez, con DNI 36.057.033-W que ostenta a representación da Asociación Española contra o Cancro e con CIF G28197564, e enderezo no Lugar de Casto Sampedro 6 4º, cuxa representación manifesta neste acto.

Ambos recoñécense capacidade, representación e poder suficiente para subscibir o presente convenio, polo que a tal efecto.

### EXPOÑEN

PRIMEIRO.- Que o Concello de Redondela ten competencia en materia de prestación de servizos sociais; todo elo segundo establecen as disposicións transitorias primeira e segunda da Lei 27/13, de 27 de decembro, de racionalización e sostibilidade da Administración Local e o artigo 3 e disposición adicional cuarta da Lei 5/2014, de 27 de maio, de medidas urxentes derivadas da entrada en vigor da Lei 27/13, de 27 de decembro, de racionalización e sostibilidade da Administración Local.

Por outra banda, a Lei 8/2008, de 10 de xullo, de saúde de Galicia recoñece ós Concellos competencias no seu artigo 80 para, entre outros, “*O desenvolvemento de programas de promoción da saúde, a educación sanitaria e a protección de grupos sociais con riscos específicos que se prevexan nos plans de saúde*” e “*actividades complementarias das que sexan propias doutras administracións públicas nas materias obxecto desta lei, nos termos establecidos na lexislación reguladora do réxime local*”.

SEGUNDO.- Que a Asociación Española contra o Cancro figura inscrita no Rexistro Municipal de asociacións co número 190. Que a Asociación Española contra o Cancro ten coma fin principal a loita contra o cancro en todas as posibles modalidades coñecidas, mediante o desenvolvemento de funcións e actividades de divulgación, prevención, de investigación, de formación e de carácter sanitario ou asistencial. Para elo, realiza, entre outras, as seguintes actividades no ámbito territorial do termo municipal de Redondela que redundan en beneficio dos seus habitantes:

- Apoyo bio-psico-social e prevención a enfermos/as de cancro e as súas familias.



Que sendo o obxectivo sinalado de marcado interese público e social, é propósito de ámbalas dúas partes colaborar na consecución e logro das mesmas polo que subscreiben o presente convenio con arranxo ós seguintes

## ANTECEDENTES

PRIMEIRO.- Que a Asociación Española contra o Cancro presenta:

- a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.
- b) Declaración de estar ó corrente coas obrigas tributarias e coa Seguridade Social.
- c) Declaración responsable respecto a obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.
- d) Declaración responsable de non ter solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas

SEGUNDO.- A Asociación Española contra o Cancro ven desenvolvendo ó longo destes anos actuacións relacionadas coa misión referida. Estas actividades van redundar en beneficio da/os veciña/os de Redondela que van ter a oportunidade de beneficiarse neste ámbito da saúde tan importante.

En virtude do anteriormente exposto, a Asociación Española contra o Cancro e o Concello de Redondela acordan subscibir un convenio de colaboración con base nas seguintes:

## CLÁUSULAS

PRIMEIRA.- Que a Asociación Española contra o Cancro está interesada en recibir un patrocinio por parte do Concello de Redondela co obxecto de poder sufragar parte dos gastos que implica a prestación das actividades que presta ós grupos arriba referenciados. Patrocinio que se encadra dentro da xa extensa labor, dentro das súas posibilidades, que se realiza por parte do Concello no ámbito da prestación de servizos no ámbito dos servizos sociais e da sanidade.


SEGUNDA.- Que o Concello de Redondela está interesado en fomentar os servicios de carácter local prestados por entidades de iniciativa social, e apoiar o desenvolvemento de programas dirixidos a colectivos de persoas que teñen a enfermidade do cancro, todo elo dentro da competencia xenérica do Iltmo. Concello de Redondela para satisfacer todo tipo de necesidades veciñais que lles outorga o artigo 25.1 da Lei 7/85, de 2 de abril, Reguladora das Bases de Réxime Local.

TERCEIRA.- Tal como se establece no punto anterior, estando o Concello de Redondela interesado na promoción dunha actividade sanitaria e de servizos sociais e como se di na exposición segunda, tendo a realización das diversas actividades unha



importante repercusión nun ámbito importante da veciñanza da vila. É por elo que se demostra deste xeito o interese social polo que o Concello de Redondela ven de decidir de asinar un convenio coa Asociación Española contra o Cancro.

Así, no Orzamento aprobado polo Pleno do Ilmo. Concello de Redondela o 18 de febreiro de 2014 e publicado o 25 de marzo de 2014 no Boletín Oficial de la Provincia recóllese aplicación orzamentaria para o outorgamento da subvención, a 2311A/480.02. Con posterioridade e por Resolución de Alcaldía de data 27 de novembro de 2014, aprobouse outorgar unha subvención por importe de 1.000 € (MIL EUROS) a cal articularase, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.

  
CUARTA.- a Asociación Española contra o Cancro comprométense a seguir realizando as actividades antes mencionadas, como ata agora o veñen facendo e en concreto a:

- a) Ofertar as familias con enfermos/as oncolóxicos/as unha adecuada asistencia técnica e profesional que lles axude a conseguir recursos idóneos para que a súa calidade de vida sociofamiliar non se vexa empeñada pola enfermidade.
- b) Proporcionar as persoas enfermas e as súas familias o adecuado apoio emocional e social.
- c) Facilitar a integración do/a enfermo/a oncolóxico/a.
- d) Potenciar a creación de grupos de voluntarios/as que sensibilizados pola loita contra o cancro, participen activamente nos procesos de intervención social que elabora a nosa asociación.
- e) Facilitar a inserción de aqueles usuarios/as que padeceran unha enfermidade oncolólica ou que sexan coidadores dunha persoa enferma oncolólica, a través dun proxecto que ten por obxecto accións que inciden na formación, intermediación laboral, validacións de capacidades e compatibilizar o coidado do/a doente e traballo retribuído na provincia de Pontevedra
- f) Comprométense a facer constar na publicidade realizada por calquera medio que as actividades e servizos que realice contan coa colaboración do Concello de Redondela.

QUINTA.- Así mesmo comprométense a cumplir coas obrigas dos beneficiarios establecidas na lexislación aplicable que se recollen como anexo deste convenio e en especial a aportar facturas ou documentos substitutivos de facturas, orixinais ou debidamente compulsadas, polo menos, polo importe de 1.000 € (MIL EUROS) co obxecto de verificar que a actividade desenvolveuse e que o importe concedido non supera o custe das actividades desenvolvidas. Así mesmo, a xustificación so se poderá referir a gastos realizados para sufragar o obxecto deste convenio. No caso de que ó finalizar o prazo para a xustificación, non se xustificara a totalidade da subvención procederase automaticamente á anulación da subvención polo non xustificado.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas. Os gastos xustificados non poderán ter o carácter de investimento. No caso de que se presenten copias das facturas,



## CONCELLO DE REDONDELA

aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura utilizouse para xustificar unha subvención.

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá á Asociación Española contra o Cancro a que presente outra xustificación de acordo co establecido na lexislación pertinente.

Se a xustificación non alcanza a cantidade mínima necesaria para realizar o pago da cantidade concedida, esta se reducirá proporcionalmente á cantidade xustificada.

Os libramientos dos fondos realizarase a medida que se vaia xustificando o gasto. O prazo máximo para a xustificación será o 19 de decembro.

Así mesmo, coa xustificación da subvención a Asociación Española contra o Cancro deberá presentar:

1. Memoria detallada da actividade realizada, en que consistiu, e o número de participantes na actividade.

2. Que as facturas se axustan á finalidade recollida no convenio.

3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.

4. Certificado de atoparse ó corrente das súas obrigas tributarias co Concello de Redondela.

5. Certificado de atoparse ó corrente no cumprimento das súas obrigas tributarias e fronte á seguridade social.

6. Que non ten solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.

7. Unha certificación de atoparse ó corrente do cumprimento da obriga de reintegro de subvencións.

8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.

Por último a Asociación Española contra o Cancro comprometense a non participar na concesión de subvencións que podería outorgar o Iltmo. Concello de Redondela conforme ás Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de:

- Tramitar a xustificación que presente no seu momento a Asociación Española contra o Cancro.
- A colaborar no desenvolvemento deste convenio.

SÉTIMA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración



CONCELLO DE REDONDELA

ou ente público ou privado, nacional, da Unión Europea ou de organismos internacionais, salvo as outorgadas polo Concello de Redondela. A sinatura do presente convenio suporá o recoñecemento por parte da persoa que ostenta a representación da Asociación Española contra o Cancro de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividade a desenvolver polo beneficiario.

OITAVA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da Lei 38/2003.
- A Ordenanza Xeral de subvencións do Concello de Redondela.
- As Bases de Execución do Orzamento do Iltmo. Concello de Redondela.
- Con carácter supletorio o Dereito Administrativo.

NOVENA.- A Asociación Española contra o Cancro queda expresamente comprometida e coñece todo o establecido nos Títulos II, III e IV da Lei 38/2003, de 7 de novembro, Xeral de Subvencións referidas ó reintegro de subvencións, control financeiro de subvencións e infraccións e sancións administrativas en materia de subvencións.

DÉCIMA.- Este Convenio ten carácter administrativo.

Conforme co mesmo o firman as persoas e no lugar e data arriba sinalados por triplicado exemplar.

O ALCALDE  
DO CONCELLO  
DE REDONDELA

Asdo: Javier Bas Corugeira

A/O REPRESENTANTE DA  
ASOCIACIÓN ESPAÑOLA  
CONTRA O CANCRO

Asdo: Francisca Canal Gómez.



CONCELLO DE REDONDELA

## **Anexo ó convenio no que se recollen as obrigas do beneficiario desta subvención**

1.- Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.

2.- Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.

3.- Someterse ás actuacións de comprobación e control financeiro que podan realizar os órganos de control competentes, aportando canta información lle sexa requirida no exercicio das actuacións anteriores.

4.- Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.

5.- Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente, e sen prexuízo do establecido na disposición adicional décimoitava da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

6.- Dispor dos libros, rexistros e/o documentos debidamente cumplimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.

7.- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

8.- Facer constar naquelas actividades subvencionadas que así o permitan, ca mesma conta coa subvención do Concello. Na publicidade impresa deberá constar o escudo e nome do Concello de Redondela.

9.- Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.

10.- Con carácter xeral, deberán desenvolver a actividade subvencionada no termo municipal de Redondela.

11.- As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante facturas orixinais ou compulsadas directamente relacionadas co obxecto da



CONCELLO DE REDONDELA

subvención, e no seu caso, correspondentes ó período para o que esta foi concedida. As facturas deberán conter os seguintes datos:

- a) Emisión á persoa ou entidade beneficiaria, con especificación do seu N.I.F. ou C.I.F., domicilio fiscal, localidade e código postal e o Departamento ou Servizo destinatario da prestación.
- b) Identificación completa do provedor ou contratista, especificando alomenos, en todo caso, a súa denominación, N.I.F. ou C.I.F., domicilio fiscal, localidade e código postal.
- c) Número de factura.
- d) Lugar e data de emisión da factura.
- e) Descripción suficiente do subministro realizado ou do servizo prestado, con detalle das unidades obxecto do servizo ou subministro, cantidade e prezos unitarios de cada unha delas, contraprestación total, tipo tributario e cota do Imposto sobre o Valor Engadido.
- f) Período que corresponda.